


醫酉  
籍攷

卷十三十四  
本草五六

武
2
7



門 武 9  
2  
7

九折堂山田  
氏圖書之記

岡氏  
齋

岡氏  
齋

醫籍考卷十三

東都 丹波元胤紹翁 編

本草 五

張氏 元素 珍珠囊

一卷

未見

李時珍曰潔古珍珠囊書凡一卷金易州明醫張元素所著  
元素字潔古舉進士不第去學醫深闡軒岐秘奧參悟天人  
幽微言古方新病不相能自成家法辨藥性之氣味陰陽厚  
薄升降浮沈補瀉六氣十二經及隨證用藥之法立為主治

秘訣心法要旨謂之珍珠囊大揚醫理靈素之下一人而已  
後人翻為韻語以便記誦謂之東垣珍珠囊認矣惜乎止論  
百品未及徧評

潔古本草

國史經籍志二卷

未見

李杲用藥法象

硯堅試効方序  
作藥象論

一卷

未見

元史本傳曰李杲字明之鎮人也杲以貧雄鄉里杲幼歲好

醫藥時易人張元素以醫名燕趙間杲捐千金夜之學不數  
年書傳其業家即富厚無事於技操有餘以自重人不敢以  
醫名之大夫士或病其資性高蹇少所降屈非危急之病不  
敢謁也其學於傷寒癰疽眼目病為尤長北京人王善甫為  
京兆酒官病小便利目睛凸出腹脹如鼓膝以上堅硬欲  
裂飲食且不下甘淡滲泄之藥皆不效杲謂眾醫曰病深矣  
內經有之膀胱者津液之府必氣化乃出焉今用淡滲之劑  
而病益甚者是氣不化也啓玄子云無陽者陰無以生無陰  
者陽無以化甘淡滲泄皆陽藥獨陽無陰其欲化得乎明日  
以群陰之劑投不再服而愈西臺稼蕭君端二月中病傷寒

發熱醫以白虎湯投之病者面黑如墨本證不復見脈沈細  
小便不禁臬初不知用何藥及診之曰此立夏前誤用白虎  
湯之過白虎湯太寒非行經之藥止能寒府藏不善用之則  
傷寒本病隱曲於經絡之間或更以大熱之藥極之以苦陰  
邪則他證必起非所以極白虎也有溫藥之升陽行經者吾  
用之有難者曰白虎大寒非大熱何以救君之治奈何臬曰  
病隱於經絡間陽不升則經不行經行而本證見矣本證又  
何難而果如其言而愈魏邦彥之妻自毀羽暴生從下而上其  
色綠腫痛不可忍臬云腎從下而上病從陽明來也綠非五  
色之正殆肺與腎合而為病邪乃瀉肺腎之邪而以入陽明

之藥為之使既効矣而他日病復作者三其所從來之經與  
腎色各異乃曰諸脈皆屬於目脈病則自從之此必經絡不  
調經不調則目病未已也問之果然因如所論而治之疾遂  
不作馮叔猷之姪標年五六病傷寒目赤而煩渴脈七八至  
醫欲以承氣湯下之已者藥而臬適從外來馮告之故臬切  
脈大駭曰幾殺此見內經有言在脈諸數為熱諸遲為寒今  
脈八九至是熱極也而至真要大論云病有脈從而病反者  
何也脈之而從按之不鼓諸陽皆然此傳而為陰證矣令持  
薑附來吾當以熱因寒用法處之藥未就而病者爪甲變頓  
服者八面汗尋出而愈陝帥郭巨濟病偏枯二指著足底不

能伸臬以長針刺胛中深至骨而不知痛出血一二升其色如墨又且繅刺之如此者六七服藥三月病良已裴擇之妻病寒熱月事不至者數年已喘嗽矣醫者率以蛤蚧桂附之藥投之臬曰不然夫病陰為陽所搏溫劑太過故無益而反害投以寒血之藥則經行矣已而果然臬之設施多類此當時之人皆以神醫目之所著書今多傳於世云

李時珍曰用藥法家書凡一卷元真定明醫李臬所著臬字明之號東垣通春秋書易忠信有守富而好施援例為濟源鹽稅官受業于潔古老人書得其學益加闡發人稱神醫祖潔苦珍珠囊增用藥凡例諸經嚮導綱要活法著為此書

藥譜

一卷

未見

按右見于也是園書目

珍珠囊藥性賦

一卷

存

四庫全書提要曰珍珠囊指掌補遺藥性賦四卷舊本題金李臬撰考珍珠囊為潔古老人張元素著其書久已散佚世傳東垣珍珠囊乃後人所偽託李時珍本草綱目辨之甚詳

是編首載寒熱濕平四賦次及用藥歌訣俱淺俚不足觀蓋庸醫至陋之本而亦託名於景岳矣

王氏好古湯液本草

醫書目錄二卷

存

自序曰世皆知素問為醫祖而不知軒岐之書實出於神農本草也殷伊尹用本草為湯液漢仲景廣湯液為大法此醫家之正學雖後世之明哲有作皆不越此予集是書復以本草正條各役三陰三陽一二經為例仍以主病者為元首臣位使應次之不必如編類者玉石次草木次蟲魚以上中

下三品為門也如太陽經當用桂枝湯麻黃湯必以麻黃桂枝為主本方中餘藥後附之如陽明經當用白虎湯必以石膏為主本方中餘藥後附之如少陽經當用三禁湯必以柴胡為主本方中餘藥後用之如太陰少陰厥陰之經所用熟藥皆倣諸此至金匱祖方湯液外定為常例凡可用者皆雜附之或以傷寒之劑改治雜病或以權宜之料更療常疾以湯為散以散為圓變易百端增一二味別作他名減一二味另為殊法醫壘元戎陰證略例癍論萃英錢氏補遺等書安樂之法湯液本草統之其源出於潔古老人珍珠囊也其間議論出新意於法度之中註奇辭於理趣之外見聞一得

久弊全更不特藥品之成精抑亦疾病之不慎天橫不至壽域可期其湯液本草欽定戊戌夏六月海歲王好古書

李時珍曰湯液本草書凡二卷元醫學教授古趙王好古撰好古字進之號海歲東垣高弟醫儒者也取本草及張仲景成無己張潔古李東垣之書間附己意集而為此

四庫全書提要曰湯液本草三卷元王好古撰曰湯液者取漢志湯液經方義也上卷載東垣藥類法象用藥心法附以五宜五傷七少十劑中下二卷以本草諸藥配合三陽三陰十二經絡仍以主病者為首臣佐使應次之每藥之下先氣次味次入某經所謂象云者藥類法象也心云者用藥心法

也珍者潔古珍珠囊也其餘各家雖有採輯然好古受業於潔古而講肄於東垣故於二家用藥尤多徵引焉考本草藥味不過三品三百六十五名陶宏景別錄以下迺有增加往徃有名未用即本經所云主治亦或古今性異不盡可從如黃連今惟用以清火解毒而經云厚腸胃毀胃家有敢遵之者我好古此書所列皆從名醫試驗而來雖為數無多而條例分明簡而有要亦可云適乎實用之書矣

李氏浩 諸藥論

佚

按右見于滕縣志

王氏 東野 本草十

佚

吉安府志曰王東野永新人精方脈嘗著本草經當時知名任大醫院御醫虞文靖揭文安程雪樓劉申齋趙子昂咸與之交而尤厚趙魏公以老致仕

詹氏 瑞方 本草類要

國志經籍志十卷

未見

尚氏 從善 本草元命苞

國史經籍志七卷

讀書記 作九卷

未見

錢曾曰本草元命苞九卷元朝崇尚醫學設令醫官考試出題以難素為經仲景為治法本草而又苦其繁冗尚從善集此書求簡易于慎微本草之中總四百六十八種蓋便於時人之采摭也為前序者至正三年平江路常熟州知州班惟志未知邑來中列其人否附識以俟參考

朱氏 震亨 丹溪本草

一卷

未見

按右見于萊竹堂書目



滑氏壽本草發揮

一卷

未見

按右見于浙江通志經籍部

本草韻會

未見

按右見于古今醫統

徐氏彥純本草發揮

國史經籍志四卷

存

李時珍曰本草發揮書凡三卷洪武時丹溪弟子山陰徐彥純用誠所集取張潔古李東垣王海藏朱丹溪成無已數家之說合成一書爾別無增益

葉氏子奇本草節要

十卷

未見

按右見于浙江通志

錢謙益曰葉子奇字世傑龍泉人王師入處子奇上書總制孫炎謂龍鳳常紹宋正統改紀元政用薦主已陵漢留作太玄本旨究通行皇極之說儒者多稱之洪武十一年春有司

以甲令祭城隍神群吏竊飲猪腦酒縣學生發其事世傑適  
至亦株連就逮獄中以瓦磨墨有得輒書事釋家居因續成  
之號草木子 列朝詩集

徐以彪本草證治辨明

明史十卷

未見

松江府志曰徐彪字文蔚太醫院使樞子也正統十年以能  
醫薦入太醫院時代王久病瘡又昌平侯揚洪在邊疾篤受  
詔往視皆不旬日而瘳遂留御藥房十二年擢御醫景泰二  
年遷院判常侍禁中每以醫諫景帝問燕性遲速對曰藥性

猶人性也善者十日而不足惡者一日而有餘問攝生以固  
元氣對其因事納忠類此六年預修中秘書錄子塏為國子  
生彪質直洞達善談議少從父入秦其邸舍元許文正衡遺  
址也秦王以魯菴題之秦中稱為魯菴及歸老以詩畫適情  
自號希古所著本草證治辨明十卷論欬嗽條傷寒實例各  
二卷

滕氏弘神農本經會通

十卷

存

六世孫萬里序畧曰世系邵陽縣公諱弘別號可齋不肖孫

萬里六世祖也。公幼而習儀部公過庭之訓，不獨忠孝太旨，  
摩肩授記，岐嶷聆畧，即流覽中所稱仁愛一眦，足展天地萬  
物同體之念者，匪靡瑩精注目，惟是邵陽錫壤間父老士紳，  
及窮簷僻舍，罔弗加額祝天曰：鄭之慈母，今之滕公，既政成，  
以畏壘多暇，每計人生斯世，無百年不盡之身，而有千古不  
廢之澤。澤一邑澤九者，遇使然也。其惟著書立言者乎？則無  
若神農氏本經一書，自昏庭大昊，以迄于茲，在在而行，人人  
所需，非直六藉三墳，偏為經生學士家所昵也。唐文皇漢集  
大觀，益廣世澤。至我聖祖，創為惠民一局，設為官董其事，欲  
俾海寓悉解呻吟之苦，而卒業扁跗氏，喙喙爭鳴矣。仲景東

垣世鮮儔匹，而朱氏丹溪多所折衷，彼其遊于七十二母之  
日者，不啻神授，故足術遂于公餘，稍輯其畧，及賦歸來，止羸  
而袖清風，而是書獨不離坐卧，蕭然環堵，凡五七易稿始成。  
文行忠信之冊，為四部析為十卷，年垂白，猶屈首警校，握毛  
錐子曰：不倦。凡寒暑遍一支干，迺克投筆，蓋十歲又二云。

亡名氏本草藥性賦

國史經籍志二卷

未見

劉氏全備註解藥性賦

二卷

存

王氏綸本草集要

國史經籍志八卷

存

自序畧曰弘治壬子備員儀制王事公暇取本草及東垣丹溪諸書參互考訂削其繁蕪節其要畧刪成五卷定為中部又取本草卷首總論及採內經東垣諸說有關於本草者凡一卷附於前以為本草之源為上部又取藥性所治分類為十二門凡二卷以為臨服用藥制方之便為下部凡三易稿歷四寒暑而書成共八卷名曰本草集要蓋止取其要以便

初學及吾儒之欲旁通是術者耳若專門之士聰敏之資固當盡閱全書不可厭繁多而樂簡便也

明史黃宗吳傑傳曰王綸字汝言慈谿人舉進士遷禮部郎中歷廣參政湖廣西布政使正德中以副都御史巡撫湖廣綸精於醫所在為人治病無不立效有本草集要明醫雜著行于世

李時珍曰本草集要弘治中禮部郎中慈谿王綸取本草常用藥畧及潔古東垣丹溪所論序例畧節為八卷別無增益介介泥古者也

袁氏本草正訛

未見

按右見于王畿袁參坡小傳

亡名氏本草源流

一卷

未見

按右見于葑萊竹堂書目

蔣氏儀藥鏡

四卷

存

四庫全書提要曰藥鏡四卷明蔣儀撰儀嘉興人正德甲戌

進士其歷官未詳是編前後無序跋惟凡例謂醫鏡之鑄駢車海內今梓葉性仍以鏡名其載藥性分溫熱平寒為四部各以儼語括其主治後附拾遺疏原滋生三賦以補所未備詞句鄙淺徒便記誦而已

汪氏機本草會編

二十卷

未見

李時珍曰本草會編嘉靖中祁門醫士汪機所論機字省之徵王氏本草集要不收草木形狀乃削去本草上中下三品以類相從茶穀通為草部果品通為木部并諸家序例共二

十卷其書撮約似手簡便而溫同反難檢閱冠之以齊識陋可知掩去諸家更覺零碎臆度疑似殊無實見僅有數條自得可取爾

鄭氏寧藥性要畧大全

十一卷

存

自序曰昔凡君子嘗以儒業訓予每見今之登仕路者天各一方既缺問於晨昏且能全於子職親老年荒而莫能養者有之庸醫非徒其益而反致害者間亦有之觸于目感于心故深歎韞鎖於名利者之莫能脫也予正得丁卯赴考拂意

時來未冠先君年七十有五矣何能俟志之達而榮養乎蓋盡心於君者鮮克盡心於親也忠孝難以兩全于是役志於醫而于祿之心日益淡焉因取軒岐伊李所著內經湯液等書閱之且知古今方書所常用者不過二三百味更迭調換而已其間又有所說不同一味之下某藥性寒無毒又曰微溫有小毒又曰溫無毒如陳皮則曰留白者補胃和中去白者消痰泄氣又曰益氣健胃香附子則曰消食寬中又曰益氣理胃似此之類難以枚舉如水通非通草石脂指作空青本二物而指為一物俾后學何所據哉余則取諸書參互訂正名曰藥性要畧非敢為明者道但亦可資後學處方之一

助云爾嘉靖己巳季冬望後歛北豐陽七潭鄭寧書

沈氏好問本草類要

未見

按右見于浙江通志

許氏希周藥性粗評

醫藏目錄四卷

存

自序畧曰人不可以不知醫而藥不可以不明性秦火之前岐伯彭緩以神醫名秦火之後李華張吳以明醫名者病賴於醫識其原也醫資於藥洞其性也故藥性之作有本草有

面經有拾遺又有四聲有開寶之詳又有嘉祐之添註歷漢魏唐宋如隱君東垣諸公汲汲於此者謂非有所重而然耶我先君完齋翁自少知醫遠近時或賴之及舉進士第官大理乃一疾誤於庸醫至今為憾逮希周繼德未嘗偶之暇亦尚軒岐後舉於鄉嘉靖戊戌上春官不第歸於舟中取諸家本草玩之深以浩瀚不可記憶為病然既不得其評復不得其畧亦自負也於是雜舉衆藥意味相對者屬之以詞各以所長著其用焉摛為駢麗以便誦讀凡一帙題曰藥性粗評夫一藥而談群用獨取其長績之畧也藥品益於一千而所收五百餘條錄之畧也所採有時月而歲功隱所產有州

郡而道地微推舉之畧也曰草木而不類其大喬曰玉石而不類其輕重曰禽蟲而不別其水陸有貴賤而不別其上下檢點之畧也謂之粗評固宜既成至辛丑北土中途以不及返舟中自謂粗評之作終以一二畧者為遺恨於是復取諸家本草玩之詳其所生所產與其功用各註其條下而每寓以緒論又畧載其單方庶幾為成書焉既成釐為四卷而粗評之名不易自以一得之愚或有裨於初學也不惜寡昧出與四方共之我朝以醫術名者曰丹溪先生彼學者由藥性以習脈候觀會通以達病機期周官之十全等孫或子之百勝不待得之三折肱也又豈但丹溪之徒而已哉

趙氏星南上醫本草

四卷

未見

賀氏岳藥性準繩

未見

海鹽縣志曰賀岳字汝瞻初因母病盡購岐黃書誦之且從四方國手講究遂精其術病者圭勺雪口即奏功群邑蕃臬皆迎致之加以賓禮所著明醫會要醫經大旨診脈家寶藥性準繩諸書業醫者宗之

俞氏汝言本草摘要



未見

按右見于浙江通志經籍部

薛氏已本草約言

四卷

存

自序曰夫人憑車而歷垣道登舟而泛安瀾情與境俱適連至臨大行孟門瞿塘灝瀕則靡不惕然驚焉而又輻脫焉鬱委焉檣折而颿破焉則其呼號必倍而垂援也必力何也安危異也故古先聖人惟稷教稼惟契明倫而神農氏獨于洪荒已前舉凡若草若木若蟲魚玉石之類無不備嘗而昭示之

寧舍教養而為此不急之務哉誠曠觀天下業已茹毛飲血老死不相往來一切經綸徐聽之異日而獨是風者異者暑者濕者與夫喜怒哀思悲驚恐者氓之蚩蚩何所不有須臾之間生死判焉而得不力為垂援其如此呼號望救者何哉故醫之道倍急於教導而功亦與稷契等昔人稱山中相業良不誣也自是陶知京而後增補非一有所謂唐本蜀本計一十六家而言亦彌廣余生也晚幸秘笈無不發之藏故余得遊息其間積有年所時就本草中輯其日用不可缺者分為二種且別以類誌約也章編幾絕丹黃斑駁不復識因思神農生人之澤昭垂萬裡而全本浩汗難竟則斯帙也其徑

捷其功逸其神不勞寓目之餘條分縷指無不備具所謂開  
卷一讀生氣滿堂者其在斯乎因余曰約言公之海內庶幾  
索頭送際可披可攜一切若卷帙之繁者不至塵封簡蠹矣  
乎嗣是求之素問靈樞諸書不可謂非登高行遠之助云不  
然嶮巖在前風波在後而乘函輔舍函楫將車覆康莊舟橫  
野渡矣董其終踰絕險轉危為安也有是理哉今天下司農  
司鐸益不乏人而神農一任所係尤急則冀斯人于不死而  
因以仰贊稷契之功端在是矣毋曰非博觀也勿忽之古吳薛  
己立齋甫題

蘇州府志曰薛己字新甫號立齋性穎異過目輒成誦尤殫

精方書於醫術無所不通正德時選為御醫擢南京院判嘉  
靖間進院使所著有家居醫錄十六種醫家多遵守之

程氏伊釋藥

醫書藏目錄四卷

未見

陳氏嘉謨本草蒙全

醫書藏目錄十二卷

存

自序畧曰本草舊多有刻如大觀則意重冥要如集要則詞  
簡不談至於吾邑汪石山續集會編喜其詳畧相因工極精

密矣。惜又雜採諸家而訖無的取之論，均未足以語完書也。予嘗僑居郡城，適從游者日益進，思欲釐正是書以引來學，而求免三者之弊，乃取諸舊本會通而折衷之。先之氣味升降，有毒無毒，其次之地產優劣，採蚤採遲，又次之諸經所行情所具，其製度其藏留，與夫治療之宜及諸名賢方書應驗者，靡不殫述。間亦旁摭舊文，竊附臆見以擴未盡之旨，且慮其繁而不整也，為之切輯章句，排偶聲律，重者刪略者補，昭者取乖者實，內附同種堪治者，並殊書外續異名相類者，加圈別首尾，設貫織，悉著明其義，增前其文，咸舊俾讀者勿記無齟齬之患。考者易尋，免瑣屑之勞。初學由此日漸造天精

微亦庶乎行遠升高一助也。是書也，創自嘉靖己未，凡五易稿，七閱歲而始成。題其篇曰本草蒙筌，以授諸弟子。余曰：先生嘉惠後學之心盛矣，豈惟以訓二三子，須以公諸人人可也。因請壽諸梓，因述顛末以識歲月。云嘉靖乙丑春二月吉旦，新安八十翁月明陳嘉謨廷承序。

李時珍曰：本草蒙筌書凡十二卷，祁門醫士陳嘉謨撰。謨字廷承，嘉靖未依王氏集要部次集成，每品具氣味產采治療方法，創成對語，以便記誦。間附己意，于後頗有發明。便于初學，名曰蒙筌，誠稱其實。

蔡氏承植本草蒙筌摘要

醫藏目錄一卷

未見

方氏穀本草集要

明史十二卷

未見

姚氏能藥性辨疑

未見

浙江通志曰姚能字懋良號靜山海鹽人善談論好吟詩精於醫理著有傷寒家秘心法小兒正蒙家禁性辨疑諸書

李氏曠湯液本草

未見

按右見松江府志藝文部

李氏中本草辨正

三卷

未見

黃氏淵本草攷證

二卷

未見

嚴氏葦藥性賦

未見

按右三種見于浙江通志經籍部

馮氏淑沙 本草病因

醫譜目錄一卷

未見

張氏梓 藥性類明 通行本作藥證類明

醫譜目錄二卷

存

吳氏維貞 藥性賦大全

醫譜目錄十二卷

存

皇甫氏嵩 本草發明

醫譜目錄六卷

存

自序曰：醫道為道，首要於識藥性。藥性明，斯能處方用藥，以印病如尺度，權衡以應物，而毫末不爽。為醫道，可明矣。本草一經，藥品性味具備，補註訓義，亦詳誠濟世之書也。第諸家輯集，各附見聞，其中治病之說，類多繁衍。每一品藥，該療諸病多者十數，證少者三四，證漫無專治。鹽治之法，俾用藥者莫知取裁。是以近世方家，務求簡便，乃舍本經專讀藥性賦等歌括，託為東垣捷徑之法，而不加察，狃於目前常用之藥。

於本經中所載奇異藥品率首之究執此以療病未免略而弗  
詳焉而弗備徃多繆誤殊戾經旨至投劑無效良由藥性不  
用製用未當也嵩承祖祖父業深為此慮於事儒之暇究心於醫  
蒐輯方書推本內經爰及諸本草東垣湯液丹溪藥性等書  
參閱考訂求其旨要著為本草發明六卷之分列上下部其  
間如其藥專治其病其藥監其藥以某藥為君某藥位之為  
引用分專治監治之法各有攸<sub>目</sub>於常用要用藥品列在上  
部更加詳著其稀用奇品列於下部者亦發明之以備參用雖  
未敢云窺義黃之奧溯湯液之源然經義略明而臨證用藥  
處方者庶知旨要不致汎、無從矣用是彙諸編以俟明者

裁之昔萬曆戊寅夏武林曹甫嵩述

王氏文潔太乙仙製本草藥性大全

八卷

存

李氏中本草原始

醫感目錄八卷

存

馬應龍序曰醫雖方伎爾然理微而道大用廣而功切故稱  
仁術焉上古神農氏始嘗百草而知藥軒轅氏咨訪岐伯  
高少俞而知脈後世始有生、之術矣夫人之五藏六府氣

脈周流陰陽穴絡上按天道下侔地理非具心聚精博考沈  
思不能入其奧妙而况粗浮之氣疎畧之見又何當焉余幼  
善病留心此技二十餘年僅得其梗概以自衛宰祀時得李  
中立氏年幼而姿敏多寸莛其醫固雖不敢即謂與古人方駕  
而偏至之能有定取焉所著有本草原始夫本草者醫之肯  
綫也之生而致死之死而致生所係在呼吸間可弗慎乎李  
君歿其名寔考其性味辨其形容定其施治運新意於法度  
之中標奇趣於尋常之外皆手自書而手自畫之抑勤且工  
矣書成遣人邸中丐余一言以傳余以為昔人讀爾雅不熟  
為蟻螟所悞致白澤不審陷僕囊於茫然則非有易牙之口

不能辨淄澠之水非有師曠之聰不能發勞薪之味故古人  
不三折肱不稱良醫吾與子固無所用其患矣特以告夫采  
者

朱尋尊高士李君塔銘曰君先世曰尚衮曰中立皆舉進士  
尚衮未授官中立為大理寺右評事

賈氏所學藥品化義

十三卷

存

李迅是序曰古謂用藥救生用兵救亂其事急其義一也故  
處方猶之五花八陣而藥者特其甲仗之屬藉以克敵若甲

仗朽鈍是以卒予敵也。更或長短異宜，先後倒置，直可以不戰而敗。救亂云乎哉！則將以救生者，亦可以肅然懼惕然悟矣。著本草者，自神農以來，不下數千家，多繁簡失中，讀者嘗若其不適於用。余甲申遊禾中，偶得賈君九如所著藥品化義，其為區別發明，誠一世之指南。問其里人，有不聞其姓氏者，嗟乎！豈凡如精技入神，世人不見，故名沒於州黨，抑所號聖醫者，學不必如九如而已足，擅名，皆不得而知也。是書感之，笥中甚久。戊午客浙西，伏暑中曝書，復見九如本。如逢故人，乃命兒子漢徵較正，重梓問世。凡善讀此書者，當處方之際，直令壘壁一新，豈獨為九如重開生面也乎。

案是書題曰趙郡李延是期叔著，朱彝尊高志李君塔銘，又有補撰葉高化義之目。然據李序，則全出于賈氏者也。



醫籍考卷十三

醫籍考卷十四

東都丹波元胤紹翁編

本草六

杜氏文燮藥鑑

二卷

存

龍氏廷賢本草定衡

醫藏目錄十三卷

未見

姚氏<sup>椿</sup>藥品徵要

未見

安永右見于江南通志

亡名氏藥性輯要

一卷

未見

按右見絳雲樓書目

邢氏增捷本草輯要

未見

新昌縣志曰邢增捷少習儒不就遂精素問內經丹心藥垣諸書治劑無不立活者其於證之險方之奇左驗著醫而按心

法數卷又著本草輯要傷寒指掌詳解脈訣刪補為岐黃家指南性冲和不計贈遺尤善導引蓋養生以生人有仁人之術者也

吳氏文獻藥性標本

十卷

未見

婺源縣志曰吳文獻字三石花橋人幼好岐黃術既補邑諸生猶不廢方書及而曰古人不為良相則為良醫意辭博士籍彙精百家醫案素問等書所著有三石醫教四十卷藥性標本十卷洪侍御覺山余司徒中序之

梅氏得元 藥性會元

三卷

存

陳性學序畧曰春三月以歲清固固之役奔走元慮辰淑間  
會于溪經慕錢塘梅元實持所輯藥性會元三卷謁予於舟  
次卒業之詞簡而詳理約而明指實而族族類以部而分方  
所以產而別性味以品而殊燮之以陰陽別之以經絡濟之  
以水火參之以君臣位使附之以畏惡忌反折明驗於方施  
識成功於已試不必遠稽古籍近蒐菊門推按類隨索如持  
左券殆照心之方諸辨昧之指南也肘后神奇至今珍之此

胡可秘因授藥陽備司周南王君梓以傳焉元實才如操割  
譚如懸河祗以數奇博官戎幕初祗解值平溪九陽疫甚施  
藥救之所全活無算甲午入棘闈供事有分試劉司理疾馬  
微息垂絕群醫視之卻步而走元實植方進劑起死回生効  
捷於響雷旬日康復如初斯固醫神藥神而實實此書辨性之  
功神也

許氏兆禎 藥準 吳秀 醫鏡  
序作藥經

二卷

存

吳氏崑 藥纂

未見

按右見于鶴皋山人小傳

沈氏愚藥能

未見

按右見于松江府志藝文部

萬氏全本草拾珠

未見

盧氏復本草攷彙

二卷

未見

楊氏崇魁本草真詮

二卷

存

張氏樹辰本草便

二卷

未見

亡名氏本草圖形

四卷

未見

按右見于淡生堂書目

徐氏鳳石本草大成藥性賦

五卷

存

倪氏朱鑠本草彙言

二十卷

存

凡例云是書先尊神農本草經次錄陶弘景別錄次唐本草新定本草次甄權藥性本草次孫思邈千金食治次陳藏器本草拾遺次孟昶本草次宋開寶本草次宋嘉祐本草次日華本草次東垣用藥法象次丹溪衍義補遺以至會編蒙氏并

元明舊本不下四十餘種最後李氏瀕湖本草綱目該傳倍于前入第書中兼收並列已盡辨別之功後賢證驗確論無多重載護更加甄羅補訂刪繁去冗名曰彙言志覈也志純也一本草諸書可云淵廣然歷致之至其說而古今人有不然者是知用藥之神妙非可執一不容顛覆弗辯也謨蒐輯往代名言庶無添漏復自周游者直于都邑市廛幽巖隱谷之間徧訪耆宿登堂請益採其昔所未詳今所屢驗者一一核載按李氏原本稍有減增用供國手之取裁殊有大裨一論藥集方必見諸古本有據時賢有驗者方敢信從每論每方必註姓氏出處公諸天下猶恐字有訛脫貽誤于人復

再三攷訂而存之。諦觀旁註，畧見苦心。至于芟繁汰複，尤不待言。一神農嘗百草而定藥，故其書曰本草。意必先以草為正。嗣後果木金石禽魚等類，故集中先列草部。然取藥求其切于治病耳。方士家謂可以供爐鼎服食，如先賢韓柳歷陳服鍾乳金丹之誤，不止一人。下及砒石可化熱痰生漆，可補腦髓，一切荒誕之談，俟聽之而橫致者多矣。緊屏不錄，所以正道術，闢邪說也。

浙江通志曰：倪朱謨字純宇，以沈默好古。右桐君岐伯家言，得其間，與治疾奇效多，奔走而致之，不得則怨。朱謨乃集歷代本草書，窮蒐博詢，辨疑澄誤，考訂極其詳，數名之曰本

草彙言子泐龍刻之行於世。世謂李之本草綱目得其詳，此得其要，可並埒云。

顧氏逢伯分部本草妙用

十卷

存

自序曰：嘗聞用藥如用兵，余讀兵書而知兵之水去有異也。伎倆不同也。南人習於水戰，北人習於陸戰，山川利於險，邊境利於沙漠，或有長於劍戟，長於弓弩，長於爭盾，長於火攻，長於車戰者，假使驅陸戰者而攻水，則先溺之於波濤矣。驅車戰者於險地，則先危之於壘卵矣。易弓弩而戈矛，則措

手不能支易車戰而大攻則倒施目陷至於天時地利之不可違彼已虛實之早宜量此又因時權變者也予讀醫書而知用藥亦猶是爾心肝脾胃腎藥之性也各走其歲寒溫補瀉平藥之能也各效其靈引經謬則生剋顛倒補瀉差則證候及劇至於陰陽氣運之變更五方燥濕之不一表裏虛實異形風寒暑濕異證又宜因天時人事而靈應之者也妙得其機而適投其斂藥之靈奇也不猶亞夫武穆之軍有令人不可測識也哉予故以本草一書分為臟猶兵之有五部也其並經雜藥猶兵之有擅衆長堪令使者類序其寒溫補瀉猶兵之各善其長而各利一方者昭列於前井然不亂俟識

者得其性知其能而各奏其効也不猶三家之兵能之能將將能將兵者之調遣也邪至於以陰陽五行之微運用乎草水金石之藥直是知彼將識九天九地之機而操縱如神者噫當我世而安得醫師如赤松臥龍者哉非曰能之願學焉崇禎歲次庚午一陽日古吳友七散人顧逢伯君升父題于贊育齋

李氏中粹本草通元

二卷

存

雷公炮制藥性解

六卷

存

四庫全書提要曰雷公炮制藥性解六卷舊本題明李中梓撰凡金石部三十三種果部十八種穀部十一種草部九十六種木部五十七種人部十種禽獸部十八種蟲魚部二十六種每味之下各有論案其稱雷公云者蓋採炮灸論之文別附於末考宋雷斅炮灸論三卷自元以來久無專行之本惟李時珍本草綱目載之甚詳是編所採猶未全備不得冒雷公之名又江南通志載中梓所著書有傷寒括要內經知要本草通原醫宗必讀願生微論凡五種獨無是書卷首有

太醫院訂正姑蘇文喜堂錫補字亦坊刻炫俗之陋習殆庸妄書賈隨意哀集因中梓有醫名故托之耳

吳氏武雷公炮製便覽

五卷

存

張氏光斗增補藥性雷公炮製

八卷

存

盧氏之頤本草乘雅卷

十卷



未見

抗世駿名醫盧之頤傳畧曰之頤字繇生明熹宗時號晉公  
又自稱蘆中人父復字不遠精於醫理從遊者眾會以復着  
綱目博議有椒菊雙美之疑不能決得之頤私評而決因令  
面判七葉皆有至理病亟趨令之頤成之歷十八年而本草  
乘雅始出中冠以先人字者即博議也中分覆參衍斷四則  
遭亂後書籍夷散參覆三種稍補其殘缺衍斷倍多不能追  
憶遂名乘雅半偈凡十二卷今已行世父歿後述先人之志  
成摩索金匱凡卷右目偏目摩索者言暗中得之也繼摩索  
而作者有傷寒金鏡銀針醫難析疑遐引曲證言幾三十萬餘言

難扁鵲謂華佗曲王叔和駁成無己自孫思邈以下無譏以  
引靈素之執病以言卒病則謀指七情六氣房勞刀杖為內  
外三因則謀以形層皮膚肌腠腹胃限病者期日則謀以化  
氣為本以經脈為標則謀縱橫真行精以理解悟以禪機旋  
入閩歸理舊業積三十餘年而後成舊史曰陳曾菴傳論之  
頤云歲丙戌監國者在山陰之頤杖策往謁大為所親信授  
職方郎事敗跣身歸鄉里間與舊相識者往來門庭雜沓跡  
跡不測性又簡傲雖以醫術起家輕忽同黨好自矜貴出入  
乘軒車僮從廣座中伸眉抵掌論議無所忌識者謂必中奇  
禍頃之兩目皆盲疏疏成廢人不出戶庭而曩所交遊皆斷

絕詫嘆一室竟以償滿卒此殆天之所以保<sub>保</sub>之也。<sub>通古堂</sub>  
四庫全書提要曰本草乘雅半偈十卷明盧之頤撰其說謂  
神農本經三百六十五種應周天之數無容去取但古有今  
無者居三之一因於本經取二百二十二種又於歷代名醫  
所纂自陶隱居別錄至李時珍綱目諸書而<sub>內</sub>採取一百四十  
三種以合三百六十五之數未免拘牽附會然考據該洽辨  
論亦頗明晰於諸家藥品甄錄頗嚴雖辭稍枝蔓而於本草  
究為有功其曰乘雅者四數為乘此書初例有數有參有衍  
有斷每藥之下其自有四故曰乘也又曰半偈者明末兵燹  
佚其舊藁之頤追憶重修乃以數參衍斷已非原書之全

故曰半也立名亦可謂僻澀矣案杭世駿所撰之頤傳稱其  
父復精於醫理嘗著本草綱目博議有椒菊雙美之疑不能  
決得之頤私評而決因令面判七藥皆有至理病亟趣令之  
頤成之歷十八年而本草乘雅始出中冠以光人字者即博  
議也則此書實繼其父書而作惟此本十卷而世駿傳作十  
二卷則不知其可<sub>何</sub>故矣

陸氏仲德本草拔萃

未見

錢謙益序曰醫經之方之義至河間東垣而大備國初諸明  
醫各有師承而本草一經幾為絕學吾友縷仲淳常喟然歎

息以謂三墳之書燼于秦火獨素問本草存本草朱黃正文  
出黃帝岐伯之手古之至人所以相天地之宜類萬物之情  
窮理盡性精義入神者發揮變化實在于此而世之學醫者  
徒取以庀湯液給方劑蒼皇最津涉未有能沈研而鑽極者蓋  
此書自唐宋以來增益于古人之別錄騁駁于近代之綱目  
學者目循耳食莫知元本于是乎醫學承陋經方傳訛因舉  
石殺天下實自此始乃奮筆為經疏以救其失參治簡誤之  
文若列掌故若置甲乙金科玉條犁然畢舉上下五百年發  
軒岐不傳之秘者仲淳一人而已仲淳少苦疾壯多游寓  
所至必訪藥物載刀筆五十年而成書仲淳沒後二十餘年

家子陸仲德氏讀繆氏之書而學其學作為本草拔萃以發  
明其宗要嗚呼何難也仲淳天資敏捷天塊偉從紫柏老  
人遊精研教乘餘事作醫用以度世耳余觀其理積病起奇  
疾沈思熟視如入禪定忽然而睡煥然而興掀髯奮袖處方  
撮藥指麾顧視拂拂然在十指涌出語其險則齊桓之斷狐  
竹語其奇則狄青之度崑崙語其持重則趙充國之金城方  
略淺人曲士逃聽風聲猶為之口舌不合况有能論其人讀  
其書知而好之好而傳者乎余每思仲淳緒言歎後世無子  
雲今得見吾仲德則仲淳不死也于其著斯書也樂為之叙  
以導引其志意而假仲淳以發其端仲德好學深思束修矯

志進德修業曰新富有餘雖昏老尚能為仲德詳叙上醫之  
國之事如太史公之傳扁鵲倉公者始書此以俟之有學集

岳氏甫嘉本草辨真總釋

未見

按右見醫學正印種子編

劉氏默本草發明纂要

未見

蘇州府志曰劉默字默生錢塘人僑居郡城之專諸里以醫  
名遇危證能取奇效所著有證治石鏡錄本草發明纂要

沈氏穆本草洞詮

二十卷

存

自序畧曰余讀蕪陽李氏綱目一書精覈該博嘆其美備  
從而採英擷粹兼羅歷代名賢所著益以經史裨官微義相  
閱並資採掇勒成一編順治辛丑菊月吳興沈穆石匏氏書

張氏志聰本草崇原

三卷

存

自序曰神農本草謂之本經計三百六十五種以應周天之  
數上品一百二十五種為君無毒主久服養命延年益氣輕

身神仙不老中品一百二十種為臣或有毒或無毒吉通調無  
氣却邪治病下品一百二十種為佐使或有毒或無毒或本毒  
主除寒熱邪氣破積聚癥瘕中病即止夫天地開闢草木始  
生農皇仰觀天之六氣俯察地之五行六氣者厥陰少陰太  
陰少陽陽明太陽三陰三陽是也五行者甲己運土乙庚運  
金丙辛運水丁壬運木戊癸運火五運五行是也本五運六  
氣之理辯草木金石蟲魚禽獸之性而合人之五藏六府十  
二經脈有寒熱升降補瀉之治天地萬物不外五行其初產  
也有東南西北中之五方其生育也有春夏秋冬長夏之五  
時其形有青黃赤白黑之五色其氣有臊焦香腥腐之五臭

其質有酸苦甘辛鹹之五味著為藥性開物成務傳于後世  
詞古義深難于窺測後人纂集藥性不明本經但言其藥治  
某病某病須某藥不探其原祇言其治是藥用也非藥性也  
知其性而用之則用之有本神變無方襲其用而用之則用  
之無本窒礙難通余故詮釋本經闡明藥性端本五運六氣  
之理解釋詳備俾上古之言瞭如指掌運氣之理炳如日星  
為格物致知三才合一之道其後人之不經臆說逐末忘本  
者槩置勿錄學者能于此會悟之則神農觀天察地窮理盡  
性之學庶幾近之後世之書有涉誇謬者屏棄勿道可也  
王琦跋曰因陋就簡舍其本而未是扁學人大弊也今之言

葉性者徃徃襍取世俗孟浪之說奉為律令而于神農本經  
棄猶敝屣譬之經生家四書五經不之研究而祇記齷爛時  
文以為應試之用思微幸以取科第安能冀其必得哉先民  
盧不遠作本草博議其子晉公廣之作乘雅張隱菴高士宗  
作本草崇原皆以本經為宗而推衍之蓋前人所未及者甚  
多可謂良工心苦第乘雅間雜間文語兼晦澁性根譚陋者  
多不能讀崇原則詮解明哲中人以下咸可通曉似於新學  
為宜在昔張君創其始張歿而高君集其成繕寫樣本方欲  
鋟板高君又亡事遂中輟厥後樣本傳歸胡念菴家念菴父  
子謝世不知又歸誰氏茲從胡之門人高瑞士處得其移寫

副本惜乎雙言校未精文句間有缺畧謬誤恐後之閱者不免  
夏五三豕之嘆爰加訂正而授之梓以公于世學者苟能依  
此而詳譯之舉一及三引伸觸類自可以入烈山氏之著籙  
而得其妙用視彼因陋就簡之徒襍採世俗之說以處方定  
劑者其得失不大有逕庭耶乾隆丁亥冬至後七日晉山老  
人王琦跋

郭氏佩蘭 本草匯

十八卷

存

自序曰本草之書備矣予曷為而有是編哉是編蓋成於養

病廿年來當體求醫。詎今醫古由博反約。以有此書也。夫醫  
之為道至隱而唯藥之在本草則甚顯。余名有義矣。審形有  
狀矣。產有地矣。制有法矣。五行五色之異用。五氣五味之殊  
塗。其昭明較著如此。宜乎所投輒效。應不旋踵。而往往試之  
不驗。且以召禍。斯何以故。則讀本草不熟也。何言之。藥物之  
臚于本草。固各有成說。然其義蘊之妙。生克之宜。或根柢于  
靈素之精微。或散現于方書之緒論。或參變于古今諸名家  
之意悟。而心得相遠也。而實以相成相近也。而反以相賊。七  
劑之微。死生反掌。豈刻舟按圖守一卷之師所能仿佛乎。所  
以古人立一方。必不可移。製一劑。必不敢率。則有擅改前賢

之成方。與株守先輩之餘唾者。俱不知醫者也。予稟弱善病。  
寄命藥餌。草草嘗試。瀕危者屢。雖博取軒岐之書。讀之未識  
綱領。間與默生朗仲諸方家。縱談蘊奧。賴其啓翼良多。繼得  
游念菽李先生之門。不為先生棄遺。輒耳提而面命之。歷有  
年所。于是反復深思。愾然有會。作而起曰。醫之道。無形之理  
也。醫之藥。有形之物也。有形之物不精。則無形之理安寄。迺  
即前所謂根柢于靈素。散現于方書。參變于古今諸名家者。  
本先生之教。滙而為書。所譽辰夕者。又復有陳子白華。同病  
相憐。遂得同方畢業。而講求藉以不孤矣。編既成。凡一藥當  
前。必始終具備。冠以短言。可次員記。誦後列註。疏以便考稽。間

附單方。芻羅制度。譬如<sup>十</sup>支萬派。總歸一流。夏書曰。東匯澤。為彭蠡。東迤北。會為滙。予于是編。亦此義。爾他如。羗獨活之不分。大小薊之混一。麋鹿用之同用。赤白芍。赤白苓之殊功。決明子之不辨。青荊相思子之承訛。赤豆石。熨失收。禽部淡竹。僅見草中。諸若此類。要皆襄賢代為闡發。而未立科條。故世人習用。不知能無乖反。衰而出焉。亦衛生之一助也。每于鍛翹之暇。杜門無事。既輯四診指南。勞瘵王書二種類。經纂註。若子卷。并是編錄而存之。非敢云作。亦驗而後言。爾今年春家咸樹。侯獲觀。身編請助梓。以公世。亟命其季梅。在操筆。牘以從。蓋樹侯走善如教。馬而梅在。亦以憂中。願留心于此也。

不復為北上計。而陳子白華。仍祭寒齋。課兒子樹。晤樹。畦為時務。義得始終。藉其是。正云。康熙五年。歲次丙午。夏六月。吳閩上津里郊西郭。佩蘭章宜題。

朱氏東樵惠民局本草詩箋

十卷

未見

蔣溥序曰。予聞醫之有方也。猶陳之有圖。夾之有譜。善用之。足以制勝。不善用之。未有不失算而敗者也。故河汾氏之言曰。醫者意也。藥者瀾也。先得大意。後以藥物疏瀹之。此可謂善言醫者矣。嘗考古之著醫書者。自神農本草。而後漢有七家。



唐九倍之得六十有四宋以一百九十有七元明以迄本朝  
著作如林美富充棟第以有定之方治無定之病予不知其  
意於何指也吳郡東樵朱子業精和緩療治惠民局身病屢  
收成功復以肘后之奇諧之音律著為本草詩箋十卷晰類  
分門旨談詞簡其殆先得大意不失河汾氏之指者乎昔張  
長沙有云居世之士曾不留神醫術上療君親下救危苦者非  
失也玄晏云人受先人之體有八尺之軀而不知醫事者遊  
魂也是書發微闡幽獨開生面不獨津梁後學抑且使博物  
君子摩挲沙吟詠詳性辨功其為金針之度者良非淺鮮故謂  
之華他養性也可謂之相君藥錄也亦可是為序 長州縣志

翟氏良 藥性對答

未見

益都縣志曰翟良字玉華弱冠聰悟有思理從父宦遊武昌  
嬰弱疾劇甚會遇明醫數月得差從此刻意方書窮治真逸  
如是七年轉得統緒既盡發古人之奧府又能以意參互用  
之及歸為諸生其好方書曰益甚凡有病者一投藥餌小試  
小効大試大効輪蹄童叟曰集門庭所活不可量數聲飛海  
岱間自撫軍下罔不欽奉名曰益彰遂數被召年八十四戒  
著書數編曰脈訣彙編經絡彙編藥性對答本草古方講意  
痘科類編刊行於世

陳氏元功本草纂要

一卷

存

王心一序曰吾吳陳晏如先生世將也而習儒於古今之書無所不窺更精心軒岐之理諸凡孫子兵書太公陰符諸篇持其胸中武庫之一也廟間海內治安烽烟息發無所用武晏如蓋折節為醫因病處方施罔不效說者疑為長桑君別有秘授晏如曰我非有異人藥也亦以用藥者有微異耳夫古之聖人尚且自習以辨五味分陰陽以治五藏一似未有難經先有本草升降厚薄溫寒燥潤藥性之異又在毫釐故同

一藥而宜君宜臣宜佐宜使根枝已辨浮沈多寡即分生死嗟乎學醫而不讀本草猶之為將而不曉用兵皆以人之性命戲者也第今本草具在有圖經有證類有綱目等刻名目太繁幾至一千八百餘種使人不勝讀讀亦不勝記於其子本草始貴有纂然或纂而失要或要而不詳亦何取焉乃纂而皆藥囊中之所必需且有一藥必備言其性之所以可獨用可兼用與所以不可用使讀者君臣佐使了然于心手之間雖庸醫知之皆可以活人雖初學得之不迷于下手則惟晏如之纂要乎晏如纂要僅得一百八十餘種已刪去十之九余聞漢初所存亦止三百六十種而今又幾減其半說者

得毋猶存乎見少而不知用藥者如是足也晏如為將嘗以  
殺衛生今則以此回生起死而又欲付諸剗劓以公海內蓋  
仁人之心遠矣哉至於察脈知微妙同見垣則信乎長桑君  
有秘授哉亦惟晏如自知之而余又何足以知之吳郡友人  
王心一題

劉氏葦 本草述

三十二卷

存

高佑記序畧曰大司寇潛江劉雲密先生在先朝舉天啓乙  
丑進士起家縣令歷監司忤時拂衣以正氣名聞天下崇禎

未一再膺薦後馳驅閩海間見政柄下移知事不可為即於  
學易之年望乞骸骨歸自苑螽園逸叟隱居著書三十載而於  
是編尤加意焉蓋其存心濟物不獲見諸行事而寓意於此  
也其學博其識精故能辨別本草稟受之性以窺陰陽之真  
而得其合同而化之原迺徧求諸家方論權衡而上下之  
即世所奉為金科玉律如李東璧氏本草綱目亦時有去取  
焉觀止矣茂以加矣

吳驥序畧曰故司寇潛江雲密劉公道德洽聞以剛腸真節  
於海內年登八十稱耆造慈遺之老生平於書無所不讀而  
尤篤好軒岐之學探頤反約竭三十年之力而本草述成其

曰述者本經合論曲邕勿通以明夫不居作者曠風獲撰杖  
辱公呼為小友甲辰陽月訪公於家公神明不衰劇談彌夕  
酒闌燭也自云不佞壯而多病以毀曹藥自輔首題處方良用  
娛慰雖古人之好燬好辰誠弗若也筆其其所見幸底於成子  
其為我序之謹談鄭重而別喻年乙巳公正星辰之位又喻  
羊乃克為序

陸氏折本草丹臺錄

海寧續目二卷

未見

朱彝尊零子為陸進士寅作序曰錢唐陸先生圻字麗鹿京一

字景宣高尚之士也甲申後賣藥海寧之長安市會湖州有

私撰明書者為人告訐辭連先生既而論釋游嶺南時前進

士知臨清州事

遁跡浮屠南雄陸太守世楷為醫丹

崖精舍繼鐵鎖以上先生依焉一夕夢至琳宮丹梯碧瓦中

有神建龜蛇之旒寤對寺僧言狀僧楚人謂曰此大和山也

先生乃易道士衣往訪竟不知所終

王氏劍握靈本草

二十卷

存

自序畧曰夫士不通六藝之書其臨政制治殃民必多毀而不

知本草之經其臨病制方傷生必甚嘗見市藥之人昧於藥  
之方土節候惟聽之採藥之家求藥之人昧於藥之根莖花  
實惟聽之市藥之家其用之也是名是而實乖或實同而效  
異此之不知藥醫之得過也猶淺若乃真贗既分良毒已辨  
而闇於陰陽迷於升降其用之也或應陰而用陽或宜升而  
反降此之不知藥醫又安所逃其罪哉孔志約撰本草序有  
曰名實既爽寒溫多誤用之凡庶其欺也甚施之君父逆莫  
大焉斯言良足畏也竊考近世本草惟宋證類一書最稱明  
備明李東壁為之增品益方資以百家考辨撰為綱目若于  
卷嗜奇之家無不什襲珍之而俗毀習守蒙笙摘要之舊既

若其不能讀又若其不易購將使作者之心空懷利濟終古  
泐泐可慨也夫方藥所以療疾非以炫博當未經考辨之先  
即繪圖山海未足供其睹記及考辨既定則經略之陰陽性  
用之宜忌與制劑之大小奇偶無不亟待講求而方土形性  
又其次矣故考信一則眾說可芟精義存則敏亦奇節方則  
務取合理苟涉迂誕既置弗錄昔楊醫博去有名未用之藥  
而有刪繁一書日華子詳萃實性味而作諸家本草又若珍  
珠囊之成于潔古用藥法象之撰自東垣歎子者並以巨眼  
卓識精別棄取翊雖不敏竊效斯旨是編也始于丙申迄于  
壬戌凡四易稿而成法尚精嚴文仍璀璨視海虞華亭臺合

附會以疏經隱括蓋陋以為雅者則無間矣學子者尊之為本  
經勿卑之為方技是則余刪述之微意也是論初成曹嘉  
言喻先生適館余舍曾出以示先生先生喟然曰雷桐不作  
斯道晦塞久矣君其手握靈珠以燭照千古乎握靈本草者  
喻先生之言也康熙二十二年歲在昭陽上章大淵猷月臨  
則且中浣穀旦嘉王翊撰

陳氏士鐸 本草新編

五卷

存

金以謀序畧曰陳子遠公所著石室秘錄皆傳自異人而於

青囊肘后闡發尤多故撥盲起痲捷如響應余既序之梓以  
行世矣無何復郵本草新編余讀竟而益歎其術之奇也服  
其心之仁也粵稽烈山氏躬嘗百草教後世以醫軒轅岐伯  
相與論性命之學即今金匱靈樞素問難經一以天地陰陽  
四時寒煩燥五行屈伸悔吝之道通於人身之風寒暑熱五臟  
六腑相生互伐強弱通塞之機蓋古先哲之明乎天人合一  
之理而後頤指意會將使天下之人之病無有不治且并其  
病也而無之而後快焉是道也猶之政也先生固以不忍人  
之心行之矣後世若淳于意華元化孫思邈許胤宗龐安時  
諸公咸以醫鳴而長沙張公能集大成者得是道也得是心

也其間繼起立論著方或多偏倚猶滋訾議而况其凡乎自  
輒近以家執一言人持一見紛然雜然行夫人同一  
之旨晦由是習焉莫測其端倪家其變而莫得心應手  
也必無幾矣陳子乃慨然以著作自任上探義皇證仙真  
穴窟通之著書累千萬言而本草一編略人所詳詳人所略  
考綱目辨疑諸書本惟註方輿直隸與甘溫涼熱治病息  
制系而已茲則一藥必悉其功用權其損益入某經通某藏人  
能言之入某經而治陰之陽陽中之陰通某藏而補水中之  
火火中之水又不能言也至或問辨疑舊抽繭剝愈入愈細舉  
靈樞以上諸書後世有誤解誤用者必引經据史以辨明之

使人不陋陸雲霧中間乎陳子術之奇也且其論滋補則往復  
流連論消散則殷勤告誡而於寒涼之味則尤其難其慎不  
翅涕泣而道之固唯恐輕投於一二人貽害者衆錯置於一  
二時流毒者遠也斯其心可不謂仁矣乎今醫曹統又替似續  
殊難其人若陳子所云岐伯雷公仲景純陽諸先哲或顯形  
而告語或憑乩而問答殆亦悞醫理之不明欲以斯道屬斯  
人也陳子何多讓焉謀也三載薪勞一官叢雜不能仰副聖  
主如天之仁以廣仁政而獨於民人死生之際三致意焉故  
得是書而樂為之序

程氏履新山居本草

未見

按右見于易簡方論凡例

汪氏品本草備要

四卷

存

自序曰：醫學之要莫先于切脈。二使不直則虛實莫辨，攻補  
妄放，鮮不夭人壽命者。其次則當明藥性，如病在某經，當用某  
藥，或有因經而旁達他經者，是以補母瀉子，扶弱抑強，義  
有多端，指不一定自非。愚貫博通，析微洞真，不但呼應不靈，  
或反致非失。正先正云：用藥如用兵，誠不可以不慎也。古今

著本草者無慮數百家，其中精且詳者莫如李氏綱目。考究  
淵博，指示周明，所以嘉惠斯人之心良云。切至第卷帙浩繁，  
卒難究殫，舟車之上，攜取為艱，倘則備矣而未能要也。如主  
治指掌，藥性歌賦，聯印以便初學之誦習，要則要矣而未能備  
也。近如家塾經疏，世稱善本，蒙笙附類，頗著精義，然又拘對  
偶辭，太繁縟而闕畧，尚多經疏發明主治之理，制方參互之  
義，又著簡誤，究其失可謂盡善。然未暇詳地道明製治辨  
真，雁具解處，偶有傳會，常品特多，芟點均為千慮之一失。余非  
岐黃家，而喜讀其書，三餘之暇，特哀諸家本草，由博返約，取  
適用者，凡四百品，彙為小帙，某藥入某經，治某病，必為明其



氣味形色所以主治之由。間附古人最惡兼施。制防互濟。用藥深遠之意。而以土產。修治畏惡。附于後。以十劑宣通。補瀉冠于前。既著其功。亦明其過。使人開卷瞭然。庶幾用之不致舛誤。以云備則已備矣。以云要則又要矣。通敏之士。由此而究。當為醫學之精微。可以思過半矣。題曰本草備要用。以就正于宗工。為休陽詛菴注。昂題于必禧堂。

增訂本草備要

四卷

存

自序畧曰。醫學與堪輿不同。堪輿當有秘奧。天機不欲輕泄。

若醫集所以濟生救疾。自應無微不闡。無隱不彰。恣意極言。不遺餘蘊。及泛覽諸書。惟靈素難經。仲景叔和。貫衍如深。不易。究殫自唐宋而下。名家百氏。方書非不燦陳。而義蘊殊少。詮釋如本草。第言治某病。某病而不明所以主治之由。醫方第云用某藥。某藥而不明所以當用之理。千書一律。開卷茫然。如即間有辨折病源。訓解藥性。有率說焉。而不詳語焉。而不暢。醫理雖云深造。文字多欠通明。難以豁觀者之心目。良用憮然。不揣固陋。爰採諸家之長。輯為本草備要。設方集解。二編。理法全宗。古人體裁。更為創制。本草則字箋句釋。倣傳註之詳明。醫療則詮症釋方。兼百家之論辨。書分兩帙。用實相。

資要今不知醫之人讀之瞭然度裡實用兩書甫出幸海內  
名賢頗垂鑒許今本草京刻字已漫滅特再加釐訂用酬世  
好抑世尚有議余藥味之簡者余惟歌賦湯液藥僅二百四  
十種拙集廣至四百種不為少矣如食物僅可充口腹僻藥  
非治所常需者安能盡錄蓋既取其備又欲其要應如足止  
也茲因重梓更增備而可用者約六十品聊以厭言者之口  
仍不碍搗者之艱苟小道之可觀尚不至致遠之恐泥也乎  
康熙甲戌歲陽月休寧八十老人訥菴汪昂書于火禧堂  
王氏遜 藥性纂要

四卷

存

尺例曰明萬曆間蘄州李時珍東壁者彙纂諸書名為本草  
綱目五十二卷藥一千八百九十二種今遜於綱目中選切  
要者五百九十七種增金部神水水中金穀部人皇豆硃米  
草部烟草鱗部海參獸部獅子油猴結人部馬子齏共六百  
六種名為藥性纂要以藥備用五行品類百千近取諸身遠  
取諸物皆供治療未可專以存存該之也故藥則錄其功用  
書則纂其要言庶使覽者不憚煩而易記也

顧氏元友 本草彙纂

十卷

存

張氏璐 本經逢原

四卷

存

四庫全書提要曰本經逢原四卷國朝張璐撰其書以神農  
本經為主而加以發明兼及諸家治法部分次第悉依李氏  
本草綱目而疏通大義較為明顯自序云瀕胡博洽今古尚  
爾舍本逐末僅以本經主治冠列於首以為存羊之意繆氏  
仲景開鑿經義迴出諸家之上而於委曲難明之處則旁引  
別錄等說疏作經言未免朱紫之混蓋時珍書多主考訂希

雍書頗喜博辨璐書則惟取發明性味辨別功過使制方者  
易明云

吳縣志曰張璐字路玉吳之明醫也能審虛實決死生又所  
著傷寒大成論宗三昧醫通衍義諸書梓行於世

陳氏治 藥理近編

一卷

存

王氏子接 絳雪園得宜本草

一卷

存

黃氏先御長沙藥解

四卷

未見

四庫全書提要曰長沙藥解四卷國朝黃元御撰張機傷寒論共一百十三方金匱玉函經共一百七十五方合二書所用之藥共一百六十種元御各為分析排纂以藥名藥性為綱而以某方用此藥為目各推其因證主療之意頗為詳悉然藥有藥之性味此不易者也用藥有用藥之經緯此無定者也故有以相輔而用者有以相制而用者詳有以相反相激而用者此當論方不當論藥但云某方有此藥為某證而

用某方有此藥又為某證而用是猶求之於筌蹄也

玉秋藥解

四卷

未見

四庫全書提要曰玉秋藥解四卷國朝黃元御撰玉秋者亮御別號也是書謂諸家本草其議論有可用者有不可用者乃別擇而為此書大抵高自位置欲駕千古而上之故於舊說多故立異同以矜獨解

吳氏儀洛本草從新

六卷

存

自序曰余先世藏書最夥凡有益於民用者購之尤亟以故岐黃家言亦多海內希見之本余自髫髻年留制舉業時即旁覽及焉遇有會意輒覺神情開豁於是盡發所藏而精繹之迄今四十年矣夫醫學之要莫先於明理其次則在辨證其次則在用藥理不明證於何辨證不辨藥於何用故拙著醫學十種其一曰一源必徹其二曰四診須詳於經義病情必斟酌群言而期於至當也而又念天之生藥凡所以濟斯人之疾苦者也有二病必有一藥病千變藥亦千變能精悉其氣味則于百藥中任舉一二種用之且通神不然則歧多而

用眩凡藥皆可傷人況於性最偏駁者乎自宋註本草者古經以下代有增訂而李氏綱目為集大成其徵據該洽良足補爾雅詩疏之缺而備醫學之用則病其稍繁踵之有繆氏之經疏不特著藥性之功能且更言其過為其中多所發明而雷昌喻嘉言頗有異議最後新安汪氏祖述二書並備要二編卷帙不繁而採輯甚廣宜其為近今膾炙之書也獨惜其本非岐黃家不臨證而專信前人雜採諸說無所折衷未免有承襲之失余不揣固陋取其書重訂之因仍者半增改者半旁攷舊是參以涉歷以擴未盡之言書且名曰本草從新付之剞劂幾功於時用而堪羽翼古人矣于其餘數

種將次第刊布與有識者商之乾隆丁丑歲三月上巳日敢

水吳儀洛遵程書於硤川之利濟堂

沈氏金鰲要藥分劑

十卷

存

自序曰按徐之才曰藥有宣通補瀉輕重滑澀燥濕十種是藥之大經而本經不言後人未迷凡用藥者審而詳之則靡所遺失誠亦是言也內經發揮宣通等義亦甚詳而十劑之說誠足盡藥之用以為依據矣隱居陶氏續入寒熱二條仲醜繆氏以寒有時不可治熱熱有時不可治寒嘗為背謬

因去寒熱而增升降二劑夫經之此言陶其說良是但即升降二義釋之十劑中如宣輕則兼有升義瀉滑則兼有降義且諸藥性非升即降或可升可降或升多降少或升以降多別無不升不降而為宣通等性者則升降二字可以聚羣藥不得別立二門次於十劑後宜之才以十劑為藥之大體靡所遺失也自神農著本經歷代藥性書悉以草木金石等依類相次讀者幾忘十字之義并忘藥有此十種之性宜其製方用藥相反相戾錯雜以出之也余輯是書爰據十劑以分門類非敢好異欲閱者曉然於藥之各有其性因各有其用庶臨症時可無背云爾沈余鰲自書

趙氏學敏本草話

二十二卷

未見

奇藥備攷

六卷

未見

藥性元解

四卷

未見

按右見于彙刻書目

